

matipa Mikongu kaisisi

sua “ Mikongu ” ia, Kanakanavu tamna kaisisi vina’u. miana, noo
matirupangu cu marivina’u ia, tantanasa cau Kanakanavu, tia cu
mati’arangu vo’orua vina’u, kapapa’ici, aracakanu, tikirimi ’aramu,
parivutuukuru, kacunuku, ka’umprukun. sii sua kukunua isi. taniara
Mikongu ia, tia aviciun kavangvang na cakuru sikaisisi.

sii ’esi pa ku ’acangu cucumeni marisinat. cenana isi, cucuru
macangcangaru tavara’u matipa kaisisi mikongu. mucumcun cina
paramia’u kimia. ’apatikuru kimia Kanakanavu tamna niurina tikuru.
arakukunu cu kim mukusa na cakuru. kacaua cu cau ’esi ’inia tinipuru. ’una
tacini sarunai marangu, arapipining pokarikari. tumatuturu neni vanai
Kanakanavu tia kaisisi Mikongu? makasi kari in: sua rapu vina’u ia, cau
ti’ingai nimovua kitana. sua cau iisua ia, “Tapucarake” kisun Kanakanavu.

’una ucani cenana, ’akia cu kavangvang kukunua cau. ’una tacini cau
Kanakanavu, vanai tia tikirimi kunua. kumakokoru na rumura, koo
matangiri, nikoru kee to’una Tapucarake tarako tatia. nimusikaru ’inia,
nimoon sikara in sua sarunai iisua macasu taniara. miaa tia cu muca ia,
nimovua ’inia cani upucua rapu vina’u. makasi Tapucarake, nuari, noo

marivina’u cu kamu ia, pukario kani nguani. tia kotanam kani nimukua
Kanakanavu vo’orua vina’u. ’apaica cu nipakrikria meesua sua Kanakanavu.
cecenana pokari nguani arakukunu kaisisi ’una cu vo’orua vina’u. makasua
cu niarasurumu sua Tapucarake niara’akia. ’akia cau tavara’u ’acuu nanu
nguani? nakai, cecenana Kanakanavu kaisisi, musu’uvu nguani nimovua
rapu vina’u.

matirupangu marangu pokarikari. arapipiningi cu ra’ani Kanakanavu.
sikinumanu kavangvang sasarunai. ’una nimukuru pangaru, ’una
nimukuru rupacu, ’una nimukuru kukunua. cani cupunga, cani cupunga
musikaru na cakuru. tuapapa mamarurang sikaisisi kari. tuapapa paracani
mataa posisini. matirupangu sasarunai, arapipining cu naannaku. muciri na
pipiningi cakuru. tuapapa kavangvang maritamu marisingsing.

turupangu kaisisi iisua. matacuvungu cu kavangvang niivatu cau.
musurauvu na tapininga. cenana meesua, ’una niivatu Cou, Hla’lua, ’una pa
Sumukun. arakukunu kavangvang ’utori, paracani. makasi nguani:
cucuruana kani karanana Kanakanavu tamna kaisisi Mikongu.

參加米貢祭

「米貢」是卡那卡那富族的小米祭儀。通常在完成收割小米之後，各個家庭就要準備新收割的小米，要去釀酒、打獵準備肉品、去捕魚、製作米糕、製作分享用糯米粽。這些食物，在米貢祭當天要帶到聚會所，一起來祭祀用。

媽媽很早把我們叫醒，給我們穿上傳統衣服，一起去聚會所。一位男士長輩站出來解釋為什麼要舉行祭儀。小米種子是很矮小的人贈送的，族人稱呼為 Tapucarake。

傳說，人們沒有任何食物可吃時，族裡的男士為了找食物，在叢林挖到 Tapucarake 的坑洞，並住了一段時間。當他離去時，小矮人贈送小米種子，告訴他，未來有收穫了，請邀請他們試吃新米。依照約定每年相聚，一起慶祝收穫的新米。不知何故，小矮人忽然不見，但我們仍依約準備食物，感恩贈送小米種子。

男士長輩說完。首領就出現，所有的男士配上砍刀，手握著茅槍，拿著弓箭，也有人拿著食物。一個家族、一個家族的進到聚會所。跟著長老口唸祭祀用語，跟著唱歌謠，大聲宣誓威震。男士們的動作完成，婦女們就站在聚會所周邊，共同拿起竹杯進行點酒儀式。

儀式完成，參加者在廣場上手拉著手，圍圈吟唱。卡那卡那富族的米貢祭真的很特殊。